

2 TETSARONITSÉÉTSE

Hállúvúeháámí Tetsaróónicárí Íjcyáme éllevu Páávoroo cáátúnuháámí

Duurúvaju

¹ Ámuúha Tetsaróónicá múnaa múúhá nahbémuj, íhyaami íñe tsiíñe muha mécaatúnú ámuúha éllevu oo Páávoroo, Tsibáánoo, Timotéoo, Íjcyame elle ámuha meíjcyame tsaímíyé Máavyéjuube Jetsocríjtomútsikye Méécááni Píívyéébema meúraávyehíjcyáme éllevu.

² Aamútsí ihdyu óvíi ámuúhake píaabó íbúwajíí ámuha meíjcyaki.

Ímítýúmema Píívyéébe ímibájchoju méénuíñe

³ Ámuúha múúhá nahbémuj, muurá Píívyéébeke muha météhdútsohíjcyá ámuúhá hallúvú ímí dííbyeke ámuha mecáhcujsómé mewájujcatsíñéllíhye.

⁴ Mítýane muha méimíjyúú ámuha meícúbáhrámeíyóné pañe ímí dííbyeke ámuha mecáhcujsóne meúraávyéneri. Aane muha meúúbállehíjcyá tsijtye dííbyé cahcújtso múnáake.

⁵ Ehdu muurá ámuha meícúbáhrámeíhíjcyáneri ámuúhake waajácútsoobe ímíáané tsúúca dííbyé avyéjúejte ámuha meíjcyane. Áánéllíi ámuha meícúbáhrámeíhíjcyá ímíáámeréjuco ámuha dííbyema meíjcyaki.

⁶ Áronáa ihdyu eene ámuúhadi ícúbáhrahíjcyámeke téhdure ícúbáhráífbye.

7 Áánetu ihdyu meícúbáhrámeíhíjcyánetu meke állíjchútsóiibye mújyú Máavyéjuube Jetsóó íhtsutúmé níjkyéji múnáama cúújuwádú péétécunúnéj piine tsáácoóca.

8 Ehdu tsááiibye íñe Píívyéébeke iéhdíiválléne dííbyedítýú íjcyáné uwááboju ímiááné íjcyáneri íícúvehíjcyátúmeke íícúbáhraki.

9 Aame ílluréjuco wágóóóveíñé mújyú níjkéváityúné íícúbáhrámeíhíhullévu. Aame tsá mújyú dííbyé avyéjú íhtsutúné íjcyane ájtyúmíityúne.

10 Ehdu muurá méénúiibye Ávyéjuube Jetsóó tsiíñe itsáácoóca. Áijyu dííbyeéjté meíjcyame dííbyeke maávyéjujtsómé méduurúvaáhi. Muurá téijyu tsaméhjí dííbyema méíjcyaa dííbyé uwááboju muha ámúhake meúwáábohíjcyáné ámuha ímí mecáhcuíjtsónéllíihye.

11 Áánéllii paíjyuvaré muha Píívyéébeke piáábó ámúhá hallúvú métáúmeíhíjcyá ámúhake díbye újcume tsaímíyé dííbyema ámuha meíjcyaki. Áhdure muha métáúmeíhíjcyá dííbyeke ámuha mecáhcuíjtsómé ímiáánéré meméénúiyóneri metsúúrameíhíjcyáné ámúhama díbye ipánéévétsoki.

12 Ehdu nénéhjiri máavyejújtsó Máavyéjuube Jetsocríjtoke. Muurá meke ávyéjújtsóiibye Píívyéébee meke íídaatsólléne dííbyej tééveri újcúmeke.

2

Naavéneéjpi méénune

¹ Ámuúha múúhá nahbému, muurá Máavyéjuube Jetsocrijtó tsááíñé úmíwari páhduváré nééne mávaríjchojúúné íjcyááhi.

² Áánéllii ámuúhake muha menéé íñe Píívyéébé uwáábódú nénehji tsaate naavédú nééne ííténé pañe íájtyumíné úwáábóneri ámuha meíllityéne memújtátuki. Áhdure tsaate múúha mémeri íllure íállíñe icyáátúnúháámí pañe ‘tsúúca Ávyéjuube tsájucóóhií’ íñéhaami ámuúha éllewu wállóhajchíí méíícúvedí tééneri.

³ Tsáma tsaatédívú máállítsámeídíñe. Muurá ihdyu ímíáané díbye tsááíñé ihde tsaate Píívyéébé uwááboju állíuríyējuco díllóíñe. Téjyu muurá bóhówáávéíibye ímítyuube Naavéneéjpi íjcyáábeke Píívyéébe ícúbáhráíbye.

⁴ Aabe páhduváré dárííveé Píívyéébeéjteke dííbyekéré dítye dúúrúváíyóneri íjyácunúnema. Muurá Píívyéébedi idíllómeíñe dííbyé duurúvájá pañévú úcáávéííbye.

⁵⁻⁶ Aane muurá ámuha méwaajácú íveeki ícyooca díbyéi bóhówáávetúne. Muurá ihdyu íéévéi úújetécooca bóhówáávéííbye. ¿A tsá ámuha meítsáávetú éhnée ámuúhake ehdu mééma tene pájtyeíñe o néhijcyáne?

⁷ Tééne pañéjúcooro muurá mee ícyoóca. Árónáa ihdyu tsáhái díbye méhdivu bóhówáávetú Píívyéébere néhdújuco. Díbye ihdyu dííbyeke íhvéjtsócooca botsíi bóhówáávéííbye.

⁸⁻¹² Aabe muurá Naavéné íhnáhooríyé méénúráítyúronéhjí méénuú tééneri míamúnáake

imújtátsoki. Ehdu imyéénúneri mújtátsóiibye Críjtodítýú íjcyáné uwááboju ímiáájú cáhcújtsotúmé wágóóóvéímyeke. Áánéllii Píívyéébe diityéké íhvéjtsóo ditye awáá íimillédú teene icyáhcújtsoki. Aame téené déjúcotu ílluréjuco wágóóóveíñe. Árónáa Ávyéjuube Jetsóó itsáácooca eene ténejcúvú diityéké íbúwátsohíjcyáábeke íámítsaráhcori íícúbáhráábeke íllure íbátsuhjácóneri dsíjívétsoóhi.

Muhdú mepájtyetéíñe

¹³ Áánetu ihdyu ámuúhake Píívyéébe wájýúnéllii ámuha dííbyeke ímí mecáhcújtsóné hallúvú muha dííbyeke météhdútsohíjcyáhi. Muuráhjáa tsúúcajátújuco dibye meke újcune Íapííchó meke ímíjpyetétsónej tééveri dííbyeke mecáhcujtsómé mepájtyetéki.

¹⁴ Ahdújucóo muurá íñe ámuúhake muha meúwáábónej tééveri dibye ámuúhake újcune Máavyéjuube Jetsocríjtoma tsaméhjí dííbyé avyéjuri mejcyaki.

¹⁵ Ehdu teéne, ámuúha múúhá nahbému. Ahdícyane tsáma máábájíívedí éhnée ámuúhadi muha meúlléjécooca ámuúhake muha meúwáábohíjcyáne. Áhdure íñe waajácúháámí pañe ámuúhake muha menéhíjcyáné méíhvéjtsodíñe.

¹⁶⁻¹⁷ Aane óvíi Máavyéjuube Jetsocríjtomútsí Méécááni Píívyéébema ámuúhake píaabó tsaímíyé ámuha mejcyame ímiáánéré meméénuhíjcyaki, áhdure ámuha ímiáánéré méíhjýúvahíjcyaki. Muuráhjáa mítyane meke iwájýúnéllii méhdi ídáátsóvéne meke újcuube múijyú níjkéváityúné

meímíjyu dííbyema íavyéjuri meíjcyáiñévú
mecátsípáávénema.

3

*Páávoró néé piááboju diityé hallúvú ditye
ityáúmeiki*

¹ Ahdícyane ámuúha múúhá nahbé muj, múúhá hallúvú téhdure Píívyéébeke piáábó métáuméi díbye múúhake ipiáábo Jetsocrijtodítýú íjcyané uwááboju muha pahúllevá múnáadívú metsújaúcúné ditye tsaímíyé icyáhcuýtso ámuháa mecáhcuýtsođu.

² Áhdure métáuméi díbye múúhake ityéhme ímityúmé múúhake imyéénútuki. Tsá muurá pamévare dííbyé uwááboju cáhcújtsoúne.

³ Áronáa Píívyéébe ímiáábé íjcyabe ámuúhake piááboó tsaímíyé ámuha meíjcyaki. Áhdure idyé ámuúhake téhméiíbye ímityúnéhjitu.

⁴ Muurá muha méwaajácú ámuúhake muha meúwáábohíjcyáne ámuha meméénuíñé ámuúhake díbye túkévéjtsóneri.

⁵ Aabe ihdyu óví ámuúhake piáabó ímíñeúvú ámuha mewáájácu mítyane meke díbye wájyune. Áhdure idyé óví ámuúhake piááboobe ímityunéhjí ámuha maáábúcu muhdúhjáa Crijto áábúcu híjcyádu.

Muhdú mewákímyeíñe

⁶ Ahdícyane ámuúha múúhá nahbé muj, Máavyéjuube Jetsocrijto mémeri ámuúhake muha menéé íñe ámuúhake muha meúwáábohíjcyádú íjcyátúmema ámuha menáhbévátu eene iwákímyeíñé ímíllehíjcyátúmema.

7 Muurá tsúuca ámuha méwaajácú muhdú muha meijcyadu ámuha meijcyáiyóne. Muuráhjáa elle ámúhama muha meijcyácooca tsá wákímyeítyúmé muha meijcyatúne.

8 Aamée tsá muha mumájchó pevéneré áhdóratúné memáchohíjcyatúne. Muuráhjáa muha méicúbáhrámeíhijcyá wákímyéiyi cójáhajchótá pécohajchótá tééne tájpi muha meijcyaki. Ehdúu muha méwákímyeíhijcyá íínerí ámúhake muha meijyévéjtsótuki.

9 Muuráhjáa ihdyu ímiáánéjuco múúhake ámuha mepíáábóiyóné íñe Píívyéébé wákímyeí muha meméénúmeke. Áronáacáa ihdyu múúhake mewákímyeíñe tájpi méicyahíjcyá tehdu ámuha meijcyaki.

10 Muuráhjáa ámúhama muha meijcyácooca ménéhíjcyáhi: “Iwákímyeíñe ímíletúmé tsá múu májchotúne.”

11 Áánáacává muurá ámuha tsaate pevétaré tsíñéhjíríyé méicyahíjcyáhi.

12 Áánéllii ehdu ícyahíjcyámeke Máavyéjuube Jetsocríjtó taúhbaju íjcyane muha menéé ímiááméré íjcyáne iwákímyeíñe tájpi íjcyaki.

13 Ámuúha múúhá nahbému, méóóchévedí ímiáánéré ámuha meméénuhíjcyánetu.

14 Ehdu íñe ámúhake muha waajácúháámí pañe meúwaabóné tsaate lléébótúmeke méwáájaco caatyé íjcyane. Áámema ménahbéwájúcohdí ditye téeneri íñúcójpívéne iwájácúúve múhdurá idyáríívemeíhijcyáne.

15 Áronáa ihdyu tsá múu diityéké tééné hallútú múnáájtsoúne. Íllure ihdyu chooco ímíñeúvú méuwaábó ditye íímíjpyeté ménahbémújuco íjcyámeke.

Páávaro pítajcóne

16 Aane óví Píívyéébe ímiáábé íjcyabe ámúhake túkëvejtsó íbúwajíí ámuha meíjcyaki. Aabe ihdyu óví ámúhake panévatúré píaabóhi.

17 Aane íñe ícyooca ámúhake pámeekéré o dúúruváné páñetu oore ó caatúnúhi. Ehdu muurá nihñéré oorejuco o cáátúnuhíjcyáné páneere táwaajácúhaamínetu.

18 Ahdícyane óví Máavyéjuube Jetsocríjtó ámúhake píaabóhi. Áyu tehdújuco.

Píívyéébé ihju: jetsocríjyodítyú cáátúnuháámi
New Testament in Bora (PE:boa:Bora)

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022

6f878dbd-e896-5e27-b788-1442926dfc48